

بجد تعبت
منك وزهقت
كانت الدنيا
ما بيننا
كتاب مفتوح
نبعد.....نقرب
تيجي وتروح
بنفهم بعض
بكل وضوح
ليه دلوقتي
بعدت ما بينا المسافات
أي حكاية بتحصل
تغضب وتثور
وترتب عليها كتير حكايات
كنت لما تبص ف عيني
تفهمني
وانت ف عيني جوه النني
ليه دلوقتي دايمًا فاكروني
اني بعدت
وراح الي بنا وكان

واى حاجه تتهمنى
وتقولى انك مش غلطان
هو ده حب زمان
ياخسارة
راح مننا طريق الامان
بجد تعبت
ومن كل ده زهقت
كانت ما بينا قصه كبيره
تتحكى ف حكايات كثيره
مش هقدر أوصف مداها ايه
عارف ليه
أصبح ما بينا غيره وعتاب
وكلام بيفرق ما بين الآحباب
كثير رميت عليه أسباب
وقلتلك مش أنا
ده أنا وريتك كل الهنا
كنت أما تزعل
أجرى عليك
وأمسح بايدى
دمعه عنيك
كنت ما تقدر مرة تنام

غير وأنا ما بين أيديك
دلوقتي خلاص
أنا... أقوم
ماتفرق معاك
أنا مش برمي اللوم عليك
أنا بفكرك بالي كان
دلوقتي خلاص
كتب فراقنا الزمان